

AKHBAR : BERITA HARIAN
MUKA SURAT : 12
RUANGAN : DASAR & PENTADBIRAN



Dr Harikrishna (tengah) bersama Dr Fatt Soon pada majlis penyerahan kit terbaru penjagaan luka di HKL, semalam.

Kit terbaru penjagaan luka jimat kos rawatan

→ 146 hospital, 1,100 klinik tawar khidmat pertengahan tahun depan

Oleh Rozdan Mazalan
 rozman@bh.com.my

► Kuala Lumpur

Semuas 1,100 klinik dan 146 hospital di seluruh negara akan dilengkapi Unit Penjagaan Luka dan dibekalkan kit terbaru penjagaan luka bermula pertengahan tahun depan.

Penasihat Kebangsaan Kesihatan Primer, Dr Harikrishna Nair, berkata unit berkenaan

akan bertumpu kepada kes luka, mengurangkan kos rawatan dan meringankan beban pesakit yang tidak perlu membuat rawatan harian.

"Kajian Persatuan Perawatan Luka Profesional Malaysia (MSWCP) mendapati kecederaan luka di negara ini semakin membimbangkan.

Luka diabetes

"Paling utama diabetes yang menyumbang antara 50 hingga 60 peratus kes luka dan masing-masing 10 peratus bagi kes kemalangan, pembedahan dan lain-lain.

"Generasi muda tertinggi mengalami luka dipotong kaki akibat diabetes dan dianggarkan 65 pesakit mendapatkan rawatan di Hospital Kuala Lumpur (HKL) sehari manakala purata jumlahnya ialah 1,000 sebulan.

"Daripada jumlah itu, 700

adalah generasi muda.

"Sebanyak 68 peratus pesakit yang dipotong kaki akibat diabetes meninggal dunia dalam tempoh lima tahun, maka kita perlu agresif dalam memberi tumpuan kepada Unit Pencegahan Kecederaan Kulit dan Tisu serta membekalkan kit bagi pesakit luka biasa hingga peringkat kronik," katanya pada sidang media sempena Seminar Langkah Pencegahan Kecederaan dan Penjagaan Luka di HKL, semalam.

Yang turut hadir, Timbalan Ketua Pengarah Kesihatan (Perubatan) HKL, Dr Lee Fatt Soon dan Ketua Jururawat Unit Pencegahan Kecederaan Kulit dan Tisu, Hamiza Ishak.

Dr Nair yang juga Presiden MSWCP dan Ketua Unit Penjagaan Luka, Jabatan Perubatan Am HKL berkata, 700 kit sudah dibekalkan ke hospital dan kli-

nik kerajaan sejak 2012.

"Kajian di tujuh hospital seluruh negara mendapati kos merawat luka RM1 juta setiap bulan, manakala penggunaan kit mengurangkan kos berkenaan 40 peratus.

"Kit ini mengandungi bahan rawatan cuci terbaru seperti perak, kolagen, polimer dan madu untuk menyerap bendalir dalam luka manakala cucian hanya perlu dibuat dua kali seminggu.

"Masa untuk sembuh juga lebih cepat dalam tempoh sebulan," katanya.

Pada majlis berkenaan, MSWCP turut menyumbang RM100,000 bagi kos Terapi Negatif Rawatan Luka kepada HKL dan 17 kit bagi 17 klinik di bawah Jabatan Kesihatan Wilayah Persekutuan Kuala Lumpur (JKWPKL) dengan nilai keseluruhan RM34,000.

AKHBAR : HARIAN METRO

MUKA SURAT : 15

RUANGAN : SETEMPAT

Kuala Lumpur

1,100 klinik buka unit khas rawatan penjagaan luka

Sebanyak 1,100 klinik kesihatan di seluruh negara akan mewujudkan unit khas rawatan penjagaan luka masing-masing selewat-lewatnya pertengahan tahun depan.

Penasihat Kebangsaan Kesihatan Primer Dr Harikrishna K R Nair berkata, kewujudan unit khas itu akan turut dilengkapi dengan kit penjagaan luka terbaru mengikut piawaian antarabangsa yang digunakan negara lain.

"Kementerian Kesihatan Malaysia (KKM) dengan kerjasama Persatuan Profesional-Profesional Penjagaan Luka Malaysia (MSWCP) giat melatih jururawat dan pegawai perubatan supaya lebih mahir dalam kes membabitkan rawatan luka antaranya dengan pengenalan kit penjagaan luka terbaru sepetimana digunakan negara lain.

"Kit penjagaan luka ini mengandungi bahan rawatan cuci terbaru seperti ma-

du terbaik bagi menyerap bendalir luka, perak, kolagen, polimer serta bahan lain yang tiada di Malaysia yang berupaya membantu menyingkatkan tempoh penyembuhan kepada sekurang-kurangnya sebulan dan menjimatkan kos.

"Selain menjadikan penyembuhan lebih efektif dan cepat, ia memudahkan pesakit supaya tidak perlu berulang mendapatkan rawatan cuci luka setiap hari kepada hanya dua minggu sekali saja," katanya selepas Seminar Pencegahan Tekanan Kecederaan dan Penjagaan Luka di Hospital Kuala Lumpur (HKL), semalam.

Beliau yang juga Presiden MSWCP berkata, berdasarkan kajian dilakukan ke atas tujuh hospital di negara ini mendapat kos bagi merawat luka masing-masing mencecah RM1 juta setahun, namun berjaya diturunkan 40 peratus dengan penggunaan kit penjagaan luka terbaru itu.

AKHBAR : MALAY MAIL**MUKA SURAT : 16****RUANGAN : PERAK XTRA**

RM50,000 raised for cancer care



IIFW chief operating officer Adeline Khan presents the medical equipment to HRPB deputy director Dr Khairul Baharin Mohammad Kamaruddin. With them are IIFW founder Louis Sebastian and Dr Amar (fifth and sixth from left). — Picture by Farhan Najib

By Loghun Kumaran
loghun@mmail.com.my

IPOH — After putting Ipoh on the fashion map, the inaugural International Ipoh Fashion Week (IIFW) 2017 has delivered its promise by raising RM50,000 for the Raja Permaisuri Bainun hospital's paediatric cancer care unit.

The three-day event, held from Oct 6, collected enough funds to purchase five pieces of medical equipment — representing a significant boost for the hospital's cancer care services.

The equipment consisted of a four-channel patient monitor designed to observe patients, two syringe perfusors for delivering small volumes of chemotherapy drugs, and two volumetric perfusors for extended delivery periods.

Speaking at the handover ceremony recently, the hospital's senior consultant paediatrician, Datuk Dr Amar Singh HSS, said the contribution would be a crucial asset for the department.

On average, between 70 and 80 children in Perak would come forward with malignancies every year.

"The intensity of care is high, and these children visit the hospital between 2,000 to 3,000 times a year. This requires close monitoring and adequate equipment," said Dr Amar.

Boasting an exclusive line-up of fashion designers, models, and performers from Malaysia and beyond, IIFW was created to showcase Perak-based fashion talent to the world.

At the same time, it generated funds for the hospital via Charity Gala dinner table sales and personal donations from gracious contributors.